



სსიპ ბათუმის შოთა რუსთაველის
სახელმწიფო უნივერსიტეტი

19 თებერვალი, 2025 წ.

წარმომადგენლობითი საბჭოს გადაწყვეტილება № 07-01/01

**„ბსუ-ს აკადემიური პერსონალის სამსახურში მიღების წესის დამტკიცების თაობაზე“
ბსუ-ს აკადემიური საბჭოს 2024 წლის 12 თებერვლის №07-01/12 გადაწყვეტილებაში
ცვლილების შეტანის შესახებ**

„უმაღლესი განათლების შესახებ“ საქართველოს კანონის მე-18 მუხლის, 33-ე მუხლის მე-4 პუნქტის, საქართველოს განათლებისა და მეცნიერების მინისტრის 2007 წლის 14 ნოემბრის №1106 ბრძანებით დამტკიცებული ბსუ-ს წესდების მე-10 და 56-ე მუხლების, „საგანმანათლებლო დაწესებულებების ავტორიზაციის დებულებისა და საფასურის დამტკიცების შესახებ“ საქართველოს განათლებისა და მინისტრის 2010 წლის 1 ოქტომბრის N99/ნ ბრძანების, სტომატოლოგიის უმაღლესი განათლების დარგობრივი მახასიათებლის (16.11.2023წ. NMES 8 23 0001562617), „ბსუ-ს საბუნებისმეტყველო მეცნიერებათა და ჯანდაცვის ფაკულტეტის სამაგისტრო საგანმანათლებლო პროგრამის (ინგლისურენოვანი) „საზოგადოებრივი ჯანმრთელობის იმპლემენტაციის მეცნიერება“ შემუშავების მიზნით სამუშაო ჯგუფის შექმნის თაობაზე“ ბსუ-ს აკადემიური საბჭოს 2024 წლის 24 ოქტომბრის N06-01/93 დადგენილების, „ბსუ-ს „სტომატოლოგიის“ ერთსაფეხურიან საგანმანათლებლო პროგრამაზე სტომატოლოგიის უმაღლესი განათლების დარგობრივი მახასიათებლის მოთხოვნების შესრულების (დანერგვის) სტრატეგიული გეგმის დამტკიცების შესახებ“ ბსუ-ს აკადემიური საბჭოს 2024 წლის 24 ოქტომბრის N06-01/94 დადგენილების, „ბსუ-ს აკადემიური პერსონალის სამსახურში მიღების წესის განხილვის თაობაზე“ ბსუ-ს აკადემიური საბჭოს 2024 წლის 1 თებერვლის №06-01/12 დადგენილებაში ცვლილების შეტანის თაობაზე“ ბსუ-ს აკადემიური საბჭოს 2024 წლის 27 დეკემბრის N06-01/120 დადგენილების საფუძველზე, წარმომადგენლობითმა საბჭომ

გადაწყვეტა:

1. ბსუ-ს აკადემიური პერსონალის სამსახურში მიღების წესის დამტკიცების თაობაზე“ ბსუ-ს წარმომადგენლობითი საბჭოს 2024 წლის 12 თებერვლის №07-01/12 გადაწყვეტილებაში შევიდეს ცვლილება, კერძოდ, N1 დანართის (წესის):

ა) მე-3 მუხლის მე-3 პუნქტის 3.1. ქვეპუნქტის დასაწყისში ჩანაწერი „2025-2026 სასწავლო წლიდან“ შეიცვალოს ჩანაწერით „2026-2027 სასწავლო წლიდან“, ხოლო მე-3 მუხლის მე-3 პუნქტის 3.2. ქვეპუნქტის დასაწყისში ჩანაწერი „2024-2025 სასწავლო წლის ჩათვლით“

შეიცვალოს ჩანაწერით „2025-2026 სასწავლო წლის ჩათვლით“ და აღნიშნულის გათვალისწინებით, მე-3 მუხლის მე-3 პუნქტი ჩამოყალიბდეს შემდეგი რედაქციით:

„3. უნივერსიტეტის პროფესორის აკადემიურ თანამდებობაზე 6 წლის ვადით შეიძლება აირჩეს:

3.1. **2026-2027 სასწავლო წლიდან** - დოქტორის ან მასთან გათანაბრებული აკადემიური ხარისხის მქონე პირი, რომელსაც აქვს სამეცნიერო-პედაგოგიური მუშაობის არანაკლებ 6 წლის გამოცდილება და აკმაყოფილებს შემდეგ პირობებს:

ა) ბოლო 5 წლის განმავლობაში გამოქვეყნებული აქვს სამეცნიერო ნაშრომი იმპაქტ-ფაქტორის (The Clarivate Analytics Impact Factor) ან Q1/Q2-ს მქონე Web of Science ან Scopus საერთაშორისო ბაზაში ინდექსირებულ სამეცნიერო ჟურნალში ან სამეცნიერო ნაშრომი Web of Science ან Scopus საერთაშორისო ბაზაში ინდექსირებულ ჰუმანიტარული დარგის სამეცნიერო ჟურნალში ან Web of Science ან Scopus საერთაშორისო ბაზაში ინდექსირებული მონოგრაფია ან ჰუმანიტარულ დარგში ქართველოლოგიის მიმართულებით მონოგრაფია (რომელშიც ციტირებულია Web of Science ან Scopus საერთაშორისო ბაზაში ინდექსირებულ სამეცნიერო ჟურნალში გამოქვეყნებული ავტორის/ავტორთა სტატია/სტატიები) ან აქვს საერთაშორისო საპატენტო ორგანიზაციებში რეგისტრირებული გამოგონება/პატენტი;

ბ) ბოლო 5 წლის განმავლობაში მონაწილეობა აქვს მიღებული სამეცნიერო ღონისძიებაში, რომლის აბსტრაქტები/გამოცემები ინდექსირებულია Web of Science ან Scopus ან ERIH PLUS (ჰუმანიტარული და სოციალური მიმართულებით) საერთაშორისო ბაზებში;

გ) ბოლო 5 წლის განმავლობაში იყო/არის დაფინანსებული სამეცნიერო საგრანტო პროექტის ხელმძღვანელი/ძირითადი შემსრულებელი ან არის დაფინანსებული სამაგისტრო/სადოქტორო სამეცნიერო საგრანტო პროექტის კონსულტანტი;

დ) ბოლო 10 წლის განმავლობაში შესაბამისი მიმართულებით მისი ხელმძღვანელობით სტუდენტს (ბაკალავრს, მაგისტრანტს, დოქტორანტს) გამოქვეყნებული აქვს სამეცნიერო ნაშრომი;

ე) აქვს საგანმანათლებლო პროგრამის ხელმძღვანელობის გამოცდილება;

ვ) შესაბამისი მიმართულებით მომზადებული აქვს სახელმძღვანელო ან სალექციო კურსი/კურსები;

ზ) აქვს ავტორიზებულ უმაღლეს საგანმანათლებლო დაწესებულებაში პროფესორის/ასოცირებული პროფესორის აკადემიურ თანამდებობაზე მუშაობის გამოცდილება.

3.2. **2025-2026 სასწავლო წლის ჩათვლით** - დოქტორის ან მასთან გათანაბრებული აკადემიური ხარისხის მქონე პირი, რომელსაც აქვს სამეცნიერო-პედაგოგიური მუშაობის არანაკლებ 6 წლის გამოცდილება და აკმაყოფილებს შემდეგ პირობებს:

ა) ბოლო 5 წლის განმავლობაში გამოქვეყნებული აქვს სამეცნიერო ნაშრომი Web of Science ან Scopus ან ERIH PLUS (ჰუმანიტარული და სოციალური მიმართულებით) საერთაშორისო ბაზაში ინდექსირებულ სამეცნიერო ჟურნალში ან Web of Science ან Scopus საერთაშორისო ბაზაში ინდექსირებული მონოგრაფია ან ჰუმანიტარულ დარგში ქართველოლოგიის მიმართულებით მონოგრაფია (რომელშიც ციტირებულია Google Scholar ან ERIH PLUS საერთაშორისო ბაზაში ინდექსირებულ სამეცნიერო ჟურნალში გამოქვეყნებული ავტორის/ავტორთა სტატია/სტატიები) ან აქვს ეროვნულ საპატენტო ორგანიზაციებში რეგისტრირებული გამოგონება/პატენტი;

ბ) ბოლო 5 წლის განმავლობაში მონაწილეობა აქვს მიღებული სამეცნიერო

დონისძიებაში, რომლის აბსტრაქტები/გამოცემები ინდექსირებულია Web of Science ან Scopus ან Google Scholar ან ERIH PLUS (ჰუმანიტარული და სოციალური მიმართულებით) საერთაშორისო ბაზებში;

გ) ბოლო 5 წლის განმავლობაში იყო/არის დაფინანსებული სამეცნიერო საგრანტო პროექტის ხელმძღვანელი/ძირითადი შემსრულებელი ან ბოლო 5 წლის განმავლობაში არის დასაფინანსებლად წარდგენილი, მაღალი შეფასების მქონე (80% და მეტი) სამეცნიერო საგრანტო პროექტის ხელმძღვანელი/შემსრულებელი;

დ) ბოლო 10 წლის განმავლობაში შესაბამისი მიმართულებით მისი ხელმძღვანელობით სტუდენტს (ბაკალავრს, მაგისტრანტს, დოქტორანტს) გამოქვეყნებული აქვს სამეცნიერო ნაშრომი;

ე) აქვს საგანმანათლებლო პროგრამის ხელმძღვანელობის გამოცდილება;

ვ) შესაბამისი მიმართულებით მომზადებული აქვს სახელმძღვანელო ან სალექციო კურსი/კურსები;

ზ) აქვს ავტორიზებულ უმაღლეს საგანმანათლებლო დაწესებულებაში პროფესორის/ასოცირებული პროფესორის აკადემიურ თანამდებობაზე მუშაობის გამოცდილება.“;

ბ) მე-3 მუხლის მე-9 პუნქტის შემდეგ დაემატოს მე-10 და მე-11 პუნქტები და ჩამოყალიბდეს შემდეგი რედაქციით:

„10. სტომატოლოგიის ერთსაფეხურიანი ინგლისურენოვანი უმაღლესი საგანმანათლებლო პროგრამის განმახორციელებელი აკადემიური თანამდებობის დასაკავებლად დამატებით საკვალიფიკაციო მოთხოვნად განისაზღვრება ინგლისურ ენაზე სწავლების კომპეტენცია (არანაკლებ B2 დონე), რომელიც შესაძლებელია დადასტურდეს ერთ-ერთი შემდეგი კრიტერიუმით/მტკიცებულებით:

ა) ინგლისურენოვანი პროგრამით სწავლების, სულ მცირე, 3 წლის გამოცდილება;

ბ) საზღვარგარეთ მოქმედ კლინიკაში ინგლისურ ენაზე საექიმო საქმიანობის განხორციელება არანაკლებ 1 წლის განმავლობაში;

გ) საზღვარგარეთ მოქმედ კვლევით დაწესებულებაში ბიომედიცინის მიმართულებით სასწავლო/კვლევითი საქმიანობის ინგლისურ ენაზე განხორციელება არანაკლებ 1 წლის განმავლობაში;

დ) ინგლისურენოვანი დიპლომამდელი ან დიპლომისშემდგომი პროგრამის დასრულება, რაც დასტურდება შესაბამისი დოკუმენტით;

ე) ინგლისური ენის სულ მცირე B2 დონის ცოდნის დამადასტურებელი საერთაშორისო საერთაშორისოდ აღიარებული სერტიფიკატით (IELTS, TOEFL, CAMBRIDGE ENGLISH, UNiCert, EnglishScore და სხვ.);

ვ) ბსუ-ს მიერ, შესაბამისი სპეციალისტების ჩართულობით, ინგლისური ენის B2 დონის შესაბამისი შიდა საუნივერსიტეტო გამოცდის შედეგით (აღნიშნული კრიტერიუმი/მტკიცებულება ინგლისური ენის ცოდნის დონის შემოწმებისათვის შესაძლებელია მოთხოვნილი/გათვალისწინებული იქნეს აკადემიური პერსონალის შესარჩევი კონკურსის გამოცხადების შესახებ ბსუ-ს რექტორის ბრძანებით, ასევე დასაშვებია ახალი პროგრამის განხორციელების დაწყებამდე ენის კომპეტენციის დადასტურების მიზნით ჩაუტარდეს გამოცდა მოქმედ აკადემიურ პერსონალს).

11. ბსუ-ს სხვა ინგლისურენოვანი უმაღლესი საგანმანათლებლო პროგრამის განმახორციელებელი აკადემიური თანამდებობის დასაკავებლად დამატებით საკვალიფიკაციო მოთხოვნად განისაზღვრება ინგლისურ ენაზე სწავლების კომპეტენცია -

არანაკლებ B2 დონე, რომელიც შესაძლებელია დადასტურდეს ერთ-ერთი შემდეგი კრიტერიუმით/მტკიცებულებით:

- ა) ინგლისურენოვანი პროგრამით სწავლების, სულ მცირე, 3 წლის გამოცდილება;
- ბ) საზღვარგარეთ მოქმედ დაწესებულებაში სასწავლო/კვლევითი საქმიანობის ინგლისურ ენაზე განხორციელება არანაკლებ 1 წლის განმავლობაში;
- გ) ინგლისურენოვანი უმაღლესი საგანმანათლებლო პროგრამის დასრულება/პროგრამაზე სწავლა არანაკლებ 1 წლის განმავლობაში), რაც დასტურდება შესაბამისი დოკუმენტით;
- დ) ინგლისური ენის, სულ მცირე, B2 დონის ცოდნის დამადასტურებელი სერტიფიკატით;

ე) ბსუ-ს მიერ, შესაბამისი სპეციალისტების ჩართულობით, ინგლისური ენის B2 დონის შესაბამისი შიდა საუნივერსიტეტო გამოცდის შედეგით (აღნიშნული კრიტერიუმით/მტკიცებულება ინგლისური ენის ცოდნის დონის შემოწმებისათვის შესაძლებელია მოთხოვნილი/გათვალისწინებული იქნეს აკადემიური პერსონალის შესარჩევი კონკურსის გამოცხადების შესახებ ბსუ-ს რექტორის ბრძანებით, ასევე დასაშვებია ახალი პროგრამის განხორციელების დაწყებამდე ენის კომპეტენციის დადასტურების მიზნით ჩაუტარდეს გამოცდა მოქმედ აკადემიურ პერსონალს).“.

2. გადაწყვეტილება და კოდიფიცირებული „ბსუ-ს აკადემიური პერსონალის სამსახურში მიღების წესი“ განთავსდეს ბსუ-ს ვებგვერდზე.
3. გადაწყვეტილება დაეგზავნოს ბსუ-ს მართვის ორგანოებს, რექტორის მოადგილეებს, სამეცნიერო კვლევების სამსახურს, იურიდიულ დეპარტამენტს, ფაკულტეტებს, დამოუკიდებელ სამეცნიერო-კვლევით ინსტიტუტებს, საინფორმაციო ტექნოლოგიების სამსახურს, საქმისწარმოების სამსახურს (კანცელარია).
4. გადაწყვეტილება ძალაშია ხელმოწერისთანავე.
5. გადაწყვეტილება შეიძლება გასაჩივრდეს კანონმდებლობით დადგენილ ვადაში და წესით ბათუმის საქალაქო სასამართლოში (მისამართი: ქ. ბათუმი, ს. ზუბალაშვილის ქ. N30).

**წარმომადგენლობითი საბჭოს
სპიკერი, პროფესორი**

ჯემალ კარალიძე